


KOMMUNIMUT PILERSAARUMMUT TAPILIUSSAQ 3E5-1,

Nuummi Mittarfik

Oktoberip 2016



KOMMUNEQARFIK SERMERSOOQ

Sanarfinermut Avatangiisinullu Ingerlatsivik

Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik kommunalbestyrelse Pilersaarusiornermut inatsit naapertorlugu (Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) pisussaavoq, kommunimut pilersaarut pisariaqartutigit malinnaatitsissalluni. Taamatut malinnaatitsisarnermi pilersaarummut tapiliussamut attuumassutilimmik pilersaarummi allannguuteqartoqartillugu imaluunniit ilanngussisoqartoqartillugu ingerlaavartumik isumagineqartarpoq.

Taamaalilluni Kommunalbestyrelse kommunimut pilersaarummut tapiliussamik nunaminertamik atuissamut illunullu tunngasunik aalajangersagartalimmik sukkulluunniit suliaqarsinnaatitaavoq. Tamatuma saniatigut Kommunalbestyrelse sukumiisumik aalajangersagartalimmik kommunimut pilersaarummut tapiliortussaataavoq:

- Nuna tamakkerlugu pilersaarusiornepur kommunillu pilersaarusiornepur piviussunngortinnissaanut qulakkeerinninnissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik imikkoortortaarpoq, **nassuiaatitaa** aamma **aalajangersagartaa**.

- **Nassuiaammi** kommunimut pilersaarummut tapiliussami siunertat inatsisitigullu sunniutit aamma pilersaarut pilersaarusiornepur allanut sanilliullugu qanoq inissisimanersoq nassuiarneqarput.
- **Aalajangersagartaa** aalajangersakkanik pilersaarummik piviussunngortitsinnermi malinnaatitsissutigineqartussanik imaqarpoq. Aalajangersakkat marlunngorlugit avitaapput, aalajangersakkat pingaernerit aamma aalajangersakkat sukumiisut. Aalajangersakkat tamarmik inatsisitigut pituttuisuupput taamaattorli pissutsit ilaanni aalajangersakkanit sukumiisunit immikkut ittumik akuersissuteqartoqarsinnaavoq. Tamatuma saniatigut aalajangersagartaa inatsisitigut pituttuisunik ilanngussanik nunap assitaqarpoq.

Tamanut saqqummiussisarneq

Kommunimut pilersaarummut tapiliusseq oktobarip 10-anni 2016 inaarutaasumik atuutilersussatut tamanut nalunaarutigineqarpoq.

Pilersaarut sumi pissarsiarineqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunik sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisnaavat, oqarasuaat 36 74 31

IMARISAI

ATUARNISSAANUT ILITSERSUUT	2
IMARISAI	3

1. NASSUIAAT

1.1 Pilersaaruteqarfiusoq	4
1.2 Siunertat tunngaviillu	
1.2.1 Tunuliaqutaa	5
1.2.2 Siunertaq	6
1.3 Pilersaarummi pingaarnertit	
1.3.1 Atuuffia	7
1.3.2 Immikkoortup killiligaanera	8
1.3.3 Immikkuualuttut A-D aamma sanaartorfik	10
1.3.4 Illuliortaaseq nunatamillu suliaqarneq	12
1.3.5 Aqquserngup attaveqaateqarnerata allanngortiternera sanaartorneqarneralu	13
1.4 Pilersaarusiap aappaanut tunngatillugu pissutsit	15
1.5 Pilersaarummut tapiliussap inatsisitaanut tunngasut	18

2. AALAJANGERSAKKAT

2.1 Aalajangersakkat pingaarnertit	19
2.3 Akuersinermut uppersarsaat	23

ILANNGUSSAQ	1-4
--------------------	------------

1. NASSUIAAT


1.1 PILERSAARUTEQARFIUSOQ



Takussutissaq 1.
Qulaaniit assi
mittarfik pioreersoq



Takussutissaq 2.
Mittarfiup eqqaani
aqquserngit
pingaernerit



Takussutissaq 3.
Illuutit pigisat.
Aappaluttoq: Air
Greenland. Qorsuk:
Mittarfeqarfiit

Immikkoortumi killeqarfiupput kitaani inuussutissarsiuqeqarnermik ingerlatsisut Nukappiapilummi taavalu Pukuffiup golfertarfiullu akornanni inuussutissarsiutinut nunaminertat marluk. Mittarfiup kangiatungaani nunaminertami immikkoortut sanaartorfioqqusaanngillat sunngiffimmilu atortakkanik atortorissaarutini angisuunik peqarluni, ilaatigut Sisorarfiit majuartaataat.

Mittarfiup inissisimanera Quassussuup naqqaniippoq kujataatungaani Qinggorput avannaatungaani Saviminikunut eqqaavissuaq. Mittarfiup kujataata kitaani immikkoortoq inuussutissarsiuqeqarnermut atugassangortinneqarpoq aammalu utaqqiisaa qaartiteriffimmut atugassangortinneqarluni. Kangiatungaani tassaavoq nunataq qummukajaaq Quassussuup qaavata tungaanut.

Mittarfimmiupput mittarfik 950 meteri, Mittarfeqarfiit tikittarfiat/aallartarfiat garagealik, Air Greenlandip qitiusumik allaffeqarfia, nassiussarfik sannavillu/hangarit.

Tikittarfiat/aallartarfiat nutaanngitsuvoq, ullutsinnut naleqquttuunani 1970-ikkut naanerani sanaartorneqartoq, akerlianillu Air Greenlandip illuutai ingerlaavartumik aserfallatsaaliorneqartarlutik. Tikittarfiup saavaniippoq, avannaatungaani, tikittunut nunaminertaq biilnut unittarfiik taxallu uningasarfiat.

Mittarfimmiit marlunnik aqqusineqarpoq siulleq illoqarfiup tungaanukartoq aappaalu Qinggutsinnut, 'Siaqqinneq' aamma 'Aqisseqarajooq'. Takussutissaq 2 takuuk.



Takussutissat 4. Tikittarfiup/aallartarfiup illutaa

1.2 SIUNERTAT TUNNGAVIILLU

1.2.1 TUNULIAQUTAA

Kalaallit Nunaanni illoqarfiit annersaata kiffartuunnissaa eqqarsaatigalugu, maannakkut mittarfik ullutsinnut tulluurtuunngilaq. Mittarfik 950 meteriutillugu timmisartut mikinerit kisiisa kiffartuunneqarsinnaapput.



*Takussutissaq 5.
Saqqa,
Isumaliutissiissut*

Taamaamat ukiut arlallit ingerlanerini nunami silaannakkut angallannerup aqqissugaanerata iluarsineqarnissaa eqqartorneqarpoq, Kalaallit Nunaanni ilaatigut suliassaqluni Kangerlussuup mittarfiata isaaavissuunngortinnissaanut iluarsartuunneqassanersoq imaluunniit Ilulissani Nuummilu imarpik ikaarlugu timmisartuussinikkut mittarfinngortinneqassanersut.

Assartuussineq pillugu Isumalioqatigiissitap kingullermik 2011-imi Nuummi mittarfiup minnerpaamik 2200 meterimut tallineqarnissaa innersuussutigisimavaa. taamaalilluni imarpik ikaarlugu Nuummut Nuummiillu silaannakkut angallassinisaaq ammaaneqassaaq.

Taamaannera Danmarkimiit Kangerlussuaq aqqusaarlugu angalasut 40 procentii 30 procentiulu Nuummut Ilulissanullu toqqaannartumik ingerlaqqittarneri pillugit naatsorsuinikkut tunngaveqarpoq.

Taamaattumik Nuuk illoqarfittut siuariartortutut inerisarneqarnissaa Nunatsinnilu illoqarfiit pingaarnersaattut ingerlanneqarnissaanut, Nuummi mittarfiup imarpik ikaarlugu silaannakkut angallannermi mittarfittut ineriartortinneqassasoq Kommunalbestyrelse ersarissumik anguniagaqarpoq.

Tamaat isigalugu ukiut arlallit ingerlanerini Nuummi mittarfiup tallineqarnissaa assigiinngitsorpasuartigut sukumiisumik ersarissarneqartareerpoq. Matumani misissuinernit nutaanerpaanit ilanngunneqartut naatsumik:

- Assartuussineq pillugu Isumalioqatigiissitaq – Isumaliutissiissut, januaari 2011. Assartuussineq pillugu Isumalioqatigiissitamit suliarineqartoq.
- Takornariaqarneq, Mittarfiup ilusilersugaanerata allanngortinneqarnera aqqutigalugu ineriartortitsineq, aggusti 2015. Inuussutissarsiorneq, Suliffeqarneq Nunanullu Allanut Naalakkersuisoqarfik sinnerlugu Rambøllimit suliarineqartoq.
- Siunnerfiit pillugit nassuiaat 2007. Ineqarnermut Attaveqarnermullu Pisortaqarfimmit suliarineqartoq.
- Nuummi Ilulissanilu siunissami mittarfiliassanut aqqiissutissat pillugit teknikkikkut, timitaliinissamut aningaasaqarnikkullu naliliineq, aprili 2007. "Ilulissani Nuumilu mittarfiit umiarsualiviillu allilernerneqarnissaannut suleqatigiissitat" Nuup Kommuneanit, Ilulissat Kommunianit Kalaallillu Nunaanni Namminersornerullutik Oqartussanit pilersinneqartumit suliarineqartoq.




*Takussutissaq 6.
Saqqa,
Takornariaqarneq*

1.2.2 SIUNERTAT

Pilersaarummut tapiliussami makku siunertarineqarput:

- Mittarfiup tallineqarnissaanut sinaakkutit qulakkeerneqarnissaat taavalu mittarfik 2200 meterinngorlugu tallineqassasoq
- siunissami inuussutissarsiornermut immikkoortut nunaminertaqarnissaat qulakkeerneqassasut
- Mittarfiup eqqaani attaveqarnerup naleqqussarneqarnissaa qulakkeerneqassasoq, aqqusernit pioreersut ilanngunneqarniassammata allanngortinneqarlutillu
- Nuummi mittarfimmik kiffartuussinissaq sullissinissarlu eqqarsaatigalugit suliffeqarfinnik aamma sanaartugassanik allanillu assingusunik naleqquttunik pilersitsinissaq qulakkeerneqassasoq



Takussutissaq 7. Tikittarfik/aallartarfik


1.3 PILERSAARUMMI PINGAARNERIT

Attaveqarnikkut sanaartukkanik inuussutissarsiuteqarnermilu nunaminertanik ataqatigiissunik pilersitsinissamut kommunimut pilersaarummi pingaarnertut aallutarineqartup piviusunngortinneqarnissaanut kommunimut pilersaarummut tapiliusaaq pingaaruteqartuuvoq. Takussutissaq 8 takuuk.

Kommunimut pilersaarummut tapiliusaaq naapertorlugu imarpik ikaarlugu mittarfimmik 2200 meterimik takitigisumik pilersitsinissamut periarfissaqalissaaq, tikittarfik/aallariartortarfik nutaaq taavalu inuussutissarsiuteqarnikkut suliffeqarfiit nutaat aamma periarfissaalissallutik.

1.3.1 ATUUFFIA

Immikkoortoq mittarfimmut siunertamut atuutsinneqassaaq matumani inuussutissarsiornermut sullissinermullu.



Takussutissaq 8.
Inuussutissarsiuteqar
fik

1.3.2 IMMIKKOORTUP KILLILIGANERA

Siunissami mittarfissamut nunaminertamik angisuumik ilanngussinissamut pisariaqartitsinerup kingunerisaanik, immikkuualuttut attuumassuteqarsinnaasut arlallit killilersorneqarnissaat pisariaqarsimavoq, taakkulu takussutissaq 9 aamma 10-mi takuneqarsinnaapput.



*Takussutissat 9.
Maannakkut killilikkat,
102 ha missaani*



*Takussutissaq 10.
Siunissami killiliganera,
229 ha missaani*

Kommunimut pilersaarummut tapiliussap 3E5-1-ip matuma atuutilerneratigut immikkuualuttut ataani pineqartut killiliganerisa iluarsineqarnissaat ima pissapput:

- 3E3 aamma 4E2 3E5-1-imi ilaatinneqassapput
- 3D12 3E5-1-imi, 3B3-mi aamma 4D11-mi agguarneqassapput ilaatinneqassallutillu

- 3B2; nunaminertaq 14 ha-miit 13,8 ha-mut takutinneqartutut iluarsineqassaaq
- 3B3; nunaminertaq 24 ha-miit 22 ha-mut takutinneqartutut iluarsineqassaaq
- 3D9; nunaminertaq 19 ha-miit 18 ha-mut takutinneqartutut iluarsineqassaaq
- 3D10; nunaminertaq 26 ha-miit 23 ha-mut takutinneqartutut iluarsineqassaaq
- 3E4; nunaminertaq 12 ha-miit 8 ha-mut takutinneqartutut iluarsineqassaaq
- 4B4; nunaminertaq 12 ha-miit 8 ha-mut takutinneqartutut iluarsineqassaaq
- 4D2; nunaminertaq 192 ha-miit 187 ha-mut takutinneqartutut iluarsineqassaaq
- 4D8; nunaminertaq 36 ha-miit 22 ha-mut takutinneqartutut iluarsineqassaaq
- 4D9; nunaminertaq 30 ha-miit 19 ha-mut takutinneqartutut iluarsineqassaaq
- 4D11; nunaminertaq 1243 ha-miit 1240 ha-mut takutinneqartutut iluarsineqassaaq'



Takussutissaq 11. Mittarfik imeqarfimmiit isigalugu

1.3.3 IMMIKKUUALUTTUT A-D AAMMA SANAARTORFIK

Immikkuualuttooq 3E5-1 immikkuualuttuni A-D agguarneqassapput, takuuk takussutissaq 12.

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi kap 5 naapertorlugu 'Suliffeqarfiit mingutsitsinerusut' immikkoortuni tamani periarfissaajuassaaq



Takussutissaq 12. 3E5-1 Immikkuualuttut

Immikkuualuttoq A

Immikkoortoq una pineqartoq timmisartut aallartarfiannut mittarfiannut / pisattanut ingerlaarfinnut / sivisuumik uninngasarfissanut / timmisartut isumannaallisagaanerannut sanaartukkanut / attaveqarnernut soorlu aqqusinernut pilersuinermilu ledninginut tunngatinneqassaaq. Nunaminertat atorneqanngitsut pissusissamisoortinneqassapput.

Immikkuualuttoq B

Immikkoortoq pineqartoq una mittarfimmi siunertanut soorlu akunnittarfimmut, aallartarfimmut/tikittarfimmut, hangarimut, sannavinnut assigisaannullu tunngatinneqassaaq.

Immikkuualuttoq C aamma D

Immikkoortut taakku mittarfimmut, inuutissarsiornermut il.il. tunngasunik siunertanut kiisalu attaveqaasersuutitut teknikkikkullu atortulersuutitut soorlu imeqarfik, aqqusineq pilersuinermilu aqquutinut atugassanngortinneqassapput. Mittarfiup eqqaani immikkoortut siunertanut timmissanut ussagartitsisinnaasunut atorneqassanngillat. Nunaminertat atorneqanngitsut pissusissaasut ilineqassapput.

Nunaminertat piunasaqaatitaqarfiusut

Teknikkikkut ikkussuutassat, sanaartukkat sanaartorfiillu killeqarfiusutut atuuttut malissavaat. Sanaartornermi nalinginnaasumik portussusaa 18 meterinit qaangerneqassanngilaq.

Sanaartukkat sanaartornerlu

Immikkuualuttuni B-mi, C-mi D-milu sanaartornerit aallartinnissaannut kommunimut pilersaarummut tapiliussamik nutaamik peqalernissaq pisariaqarpoq. Akerlianilli attaveqarnermut sanaartugassat immikkuualuttuni tamani kommunimut pilersaarummut tapiliussaqaq una naapertorlugu periarfissaapput.

Nunaminertat arlallit mittarfiup avataaniittut maannakkut siunissamilu pilersaaruteqarfiusut siunissami tallilisoqarnissaanik pilersaaruteqartoqalissappat kalluarneqarsinnaapput. Taakkuningga ingerlatsisuusut taakkununga tunngasunik paasissutissanik pissarsiniarluni sanaartortitsisup nammineq attavigissavai. Sanaartortitsisooq immikkoortumilu sanaartukkamik piginnittuusooq atuinissamut tunngaviusunik aalajangersaaniarlutik oqaloqatigiissapput.

1.3.4 ILLULIORTAASEQ NUNATAANILLU SULIARINNINNEQ

Sanaartornermi illussanik kusanartuliornissami pitsaassutsip ilaatigut pingaartuutinnerata anguniarneqarnerani, illussanik titartaanissamut mittarfiullu sanaartorneqarnissaanut kommunimi illuliortaatsimut politikki najoqqutaralugu Kommuneqarfik Sermersuumit qaffasissumik piunasaqaatitaqartoqassaaq. Mittarfik nutaaq Nuummut isaaviusussaavoq, taamaalillunilu tikeraartunut takoqqaagaq siulliulluni.



Takussutissaq 13.
Sullorsuarmut
isaariatut
assersuusiaq

Mittarfiup 950 meterimii 2200 meterimut tallineqarnissaani qaartitigassaq annertuvoq nunaminertallu ilasassat annertullutik. Aningaasaqarnermut, teknikkimut isumannaallisaanermullu pissutsinut tunngasut naapertorlugit annerusumik sumiiffissaq, atortunik toqqaaneq ilusiliinerlu pissapput. Nunatagut allangortitassat Nuummi nutaatut 'Ilisarnaataalluarsinnaapput', taamaattumillu Kommuneqarfik Sermersuup naatsorsuutigaa, sanaartornermi ilusissaq aamma illoqarfiup isikkuanut sunniutaasussat aalajangiinissami ersarissuliarineqassasut. Kommunip pingaartutut isigaa, Nuummi mittarfik illoqarfimmi ersarilluinnartumi inissisimammat ilusiligaanerata qanoq ittuunera apeqqutaataaalluinnassasoq. Uuttuutigisaaq, atortut, qullilersuineq najoqqutassallu aalajangiiffigineqarnissaat kiisalu mittarfiup tallineqarnissaanut pilersaarusiornermi taakku erseqqissumik ilaatinneqassasut naatsorsuutigineqarpoq.



Takussutissaq 14.
Sullorsuarmi qullernik
atuineq

Nuup nunataani ilutsit ataqatigiissut anginerusut attatiinnarnissaat nukittorsarnissaallu aallutarineqarput. Mittarfiup illuliortaatsikkut suliarineqarnerani illoqarfimmut nunataanullu ataqatigiissumik kusanartuliarineqassaaq. Immikkoortup illoqarfiullu Nuup tamaat isigineqarneranut illutaata siunissami iluseqarnissaata qaffasissumik pitsaassuseqarnissai qitiutinneqarnissaallu pingaaruteqartuupput. Pisortat illutaata illullu atortorissaaruteqarfiit avatangiisinut annertuumik sunniuteqartarput. Amerlasuutigut tassaasarlutik sanaartukkat ersarissut angisuullu innuttaasunit isummerfigineqartussat. Pingaartumik mittarfissuarmut nunataanut annertuumik sunniuteqartussaagami tamanna atuutissaaq.



Takussutissaq 15.
Aallartarfissap/tikittarf
issap qanoq
ittuunissaanik
assersuut, Aalborg
Lufthavn

Illussanik kusanartuliornissami pitsaassuseq immikkoortorlu tamaat aallutarineqartariaqarput, maannalu nunataa aallaqqaataaniilli pingaartinneqalereerpoq taavalu immikkoortumut illoqarfimullu sunniuteqarnissaa eqqarsaatigineqalereerluni. Kingusinnerusukkut mittarfiup eqqaata sinnerani pitsaanerusumik imaluunniit pisariaqartitsinikkut ilasisoqarusuppat, illuliortaaseqarnermi ataqatigiissumik aaqqiinissaq pisariaqarpoq 'utaqqiisaa iluarsinerit' pinaveersaarniarlugit.



Takussutissaq 16.
Mittarfiup eqqaani
sivinganerit
qullilerlugit assersuut



Takussutissaq 17.
Madeira lufthavn –
Sukarsuarnik
toqqammaveqartillug
u assersuut

Taamaattumik mittarfiup illoqarfimmut naleqqussarlugu suliarineqarnissaa anguniarneqassaaq. Pingaartumik illoqarfimmi unnukkut unnuakkullu qanoq issutsimi misigisassat sapinngisamik nukittorsarneqassapput.

Assersuutigalugu mittarfiup angissusaata, inissisimanerata pissanganartumillu qullit ikkussugaanerisa atorluarnerisigut Nuup illoqarfittut pingaarnersatut nutaalamik illuliortaaseqarnikkut takussutissartaanut kinaassutsimik ilutsinik tapertaasinnaallutillu nukittorsaasinnaapput - tassaniippullu inuit nutaaliat, ilusilersukkat, illoqarfimmi inuuneq issittumilu pinngortitaq tamarmik akuleriisinneqarlutik. Takuuk ilanngussaq 4.

1.3.5 AQQUSERNGUP ILUSILERSUGAANERATA ALLANGORTINNEQARNERA SANANEQARNERALU

Mittarfimmik 2200 meterisut takissusilimmik qulakkeerinninniarnikkut mittarfiup avannaata kitaanut kujataatalu kangianut aqquserngit allangortiterneqarnissaat pisariaqarpoq. Teknikkikkut misissuinerup kingorna aqquserngup allangortinnissaani inissisimaffivissaa, takissusaa annertussusaalu akuersissutigineqassapput. Tunngaviusumik titartakkani takuneqarsinnaavoq siunissami aqquserngup sumiissinnaanera. Takussutissaq 18 takuuk.

Aqqusineq 'Aqisseqarajooq' kangiata tungaanut mittarfiup avannaatungaata tikittarfiullu illutaata akornannut nuunneqassaaq taavalu tassangaanniit ammut Borgmesterip Anniitap Aqquserngata tungaanut. Taamaalilluni tikittarfiup/aallariartortarfiup avannaatungaani kujataatungaani nutaamik inuussutissarsiteqarnermik ingerlatsivissamik pilersitsisoqarsinnaalluni.

Aamma Pukuffiup tallineqarnissaa siunniunneqarpoq, taamaalilluni aqquserngit Borgmesterip Anniitap Aqquserngata Siaqqinnerullu akornanni aqqummik pilersitsisoqarsinnaalluni. Taamaalilluni mittarfissuup, Pukuffimmi inuussutissarsiteqarnermik ingerlataqarfiup aammalu Nukappiapiluup mittarfiullu akornanni attaveqarneq annertunerulissaaq. Kissaatigineqarpoq kujataani mittarfissuarmiit avannaani mittarfiup tungaanut inuussutissarsiteqarnermut ilusilersukkamik nukittuumik ataqatigiissumillu ikorfartuisoqarnissaa. Taamaalinnikkut najugaqarfiit nipiliorfiussanngitsut avaqqullugit inuussutissarsiteqarnerullu immikkoortuata iluani angallassuit angisuut ingerlasarnissaat qulakkeerneqassaaq. Takussutissaq 8 takuuk.

Naggataatigut mittarfiup tallineqarneratigut aqquserngup Siaqqinnerup ilaani avannaatungaata naanerani imaluunniit mittarfiup avannarpiaata tungaatigut sullorsualerneqarsinnaanera, takussutissaq 18-imi takuneqarsinnaavoq. Aamma ilanngussaq 3 takuuk.



Takussutissaq 18. Tunngaviusumik titartagaq - Sullorsuaq aamma aqquserngit nutaat/allanngortitikkat

1.4 PILERSAARUSIORNERNUT ALLANUT TUNNGATILLUGU PISSUTSIT

Nuna tamakkerlugu pilersaarusioneq

Kommunimut pilersaarummut tapiliusseq nuna tamakkerlugu pilersaarusionermut naapertuuppoq.

Kommunimut pilersaarut

Pilersaarummut tapiliusseq Kommunimut pilersaarummi Sermersooq 2024-mi ilaatinneqarpoq, tassaniissarlu teknikkikkut atortunik suliaqarfik mittarfissuartut atugassaq kiisalu kiffartuussinermi inuussutissarsiuteqarnermilu atortunik suliaqarfiit. Taamaattorli immikkuualuttup killeqarfii takussutissaq 9-mi 10-milu takutinneqartutut iluarsiinissamut pisariaqartitsisoqarsimavoq.

Immikkoortup ilaata 3E5-1-ip nutaap killeqarfilersorneqarneranut atatillugu immikkoortup ilaa ataani takuneqarsinnaasoq atorunnaarsinneqassaaq, pissutigalugu immikkoortup ilaani 3E5-1-imi nunaminertaq pineqartoq ilanngunneqassamat:

3E3 – Nuffiumarngup tunuani saviminikunut eqqaavik: Saviminikunut eqqaavittut atorneqarnera atorunnaarsikkiartuaarneqassaaq 2019-illu naanerani atorunnaartussatut naatsorsuutaalluni.

4E2 – Nuuk Airportip tallineqarnissaanut ujaqquerivik: Immikkoortoq atorunnaarsinneqassaaq, taamaattorli mittarfiup sanaartorneqarnerani ujaqquerivittut atorneqarsinnaalluni.

3D12 - Aqqut pingaarneq, Nuussuaq – Qinngorput: Immikkoortup sanaartorfiunnginnissaa aalajangiunneqarpoq. Tamatuma saniatigut immikkoortoq attaveqarnermi atortunik suliaqarfittut atorneqassaaq, soorlu aqquserniornermut taavalu pilersuinermi ledninginut. Immikkoortumi 3E5-1-imi, 3B3-mi aamma 4D11-mi ilanngunneqarput.

Qanganitsat eriajisassat imaaliallaannarlugit peerneqarsinnaanngitsut

Immikkoortup ilaani qanganisaqarnersoq Kommuneqarfik Sermersuumi ilisimaneqanngilaq. Allanngutsaaliuisarneq aamma allatigut kulturikkut eriajisassanik kulturikkut kingornussatut illersuineq pillugu Inatsisartut inatsisaat nr. 11, 19. maj 2010-meersoq naapertorlugu aningaasaliisoqarpoq.

Avatangiisit

Immikkoortup ilaani assaanermi mingutsitsisoqarsimasoq paasineqarpat, Kommuneqarfik Sermersuumi Ingerlatsinermit Avatangiisinullu immikkoortortaqqat attavigineqassaaq.

Eqqakkanik avatangiisinut navianaatilinnik suujunnaarsitsinerit, assersuutigalugu issoq uuliamik mingutsinneqarsimasoq, kommunimi eqqagassalerineq pillugu malittarisassat aamma suliaasaqarfik tamanna pillugu inatsisit naapertorlugit pissapput.

Sanaartortitsisup isumannaallisaanikkut qulakkiissavaa (VVM-imik assigisaanilluunniit misissuinikkut), mittarfiup tallineqarneratigut angallattoqarnerulenera Nuummi imeqarfimmut (Qallussuaq) akornutaannginnissaa.

Teknikkikkut pilersuineq

Inissialiat nutaat pisortat innaallagissamut imermullu aqquataaannut aamma kuuffissuarnut attavilerneqassapput.

Innaallagissamik maannakkut pilersuineq (10 kV) pineqaatissinneqarsimasunut inissiivik atuliinnartorli artukkerneqangaatsiassaaq. Taamaammat aamma tassuuna annertuusaasoqarnissaa naatsorsuutigineqarpoq.

Innaallagissamik, imermik kissamillu pilersuinerit aqquutit aamma kuuffissuit nunap iluatigoortinneqassapput.

Immikkoortup ilaani pisortat teknikkikkut atortulersuutaat, soorlu immikkoortup ilaanut pilersuinerit transformatoriisiviit, inisinneqarsinnaapput. Immikkuualuttoq Cmi Eqalugalissuarnut atatillugu imeqarfiup inisinneqarsinnaanera ajornartinneqanngilaq. Kommune aamma Nukissiorfiit isumasioqatigalugit imeqarfissap inissiffissaa inisinneqarumaarpoq.

Qinngutsinnut aqquuserngup allanngortinneqarnissaanut atatillugu imermik pilersuinerit aqquilersuusiortoqarsinnaavoq, taamaalilluni imeqarfik nutaaq Qinngutsinnut pilersuisinnaanngorlugu.

Nukissiorfiit siunersiorlugu transformatoriisiviit inisinneqassapput.

Sanaartoortitsisoq aamma Nukissiorfiit isumaqatigiillutik teknikkimut tunngasut qulakkiissavaat, tassa mittarfiup kujataatungaatioqortoq 132 kVmik sakkortussusilik innaallagissap aqquataa tassaniiginnassanersoq.

Kuuffissualersornerit

Inissialiat imikoq pillugu iliussissatut pilersaarut naapertorlugu pisortat kuuffissuaataannut attavilerneqassapput. Nunap qaavani imeq, tamatumunnga ilanngullugu imeq illup qaavanit kuuttoq kuuffissuartigoortinneqassanngilaq, kussinernulli kuutsinneqassalluni, taamaasilluni immikkoortumi sanaartukkanut allanut, aqquteeqqanut, aqqusinernut sanaartorfiunngitsunullu akornusersuutaassanani.

Sanatitsisumit nassuiaatigineqartussaq tassaavoq, imeq mittarfiup uninngasarfiullu qaavaniittoqikummatissamit mittarfiullu asfaltilersorneranit assigisaannillu qanoq sunnerneqartassanersoq. Tamanna avatangiisitigut akuersaarneqarsinnaangitsumik akornusiissanngitsoq imaluunniit qanoq aaqqiisoqassanersoq kommunimut erseqqissaatigineqassaaq. Mittarfiup qaavani imeq ruujoritigut assigiinngitsutigut salisartukkut ingerlaartinneqarsinnaavoq.

Eqqaaveqarnek.

Immikkoortup ilaa Kommuneqarfik Sermersuumi eqqagassalerinermut aaqqiinermut malittarisassanut sukkulluunniit atuuttunut ilaatinneqarpoq.

Aputaajaaneq apummillu piiaaneq

Immikkoortup ilaani eqikkaanikkut aputinut kueraavimmik peqarnissaq periarfissaavallaassanngilaq. Immikkoortup iluani aqquserngit, biilit unittarfii, pisuinnaat aqputaat nunaminertallu sanaartorfiunngitsut aserfallatsaaliorneqarnissaat siunertaralugu, immikkuualuttumi C-mi D-milu peqatigiiffimmik pilersitsisoqassaaq. Peqatigiiffimmik piginnittut namminneerlutik malittarisassaliorsinnaapput. Apummik piiaaneq kangerluup tungaanut pissaaq, apummik kueraavissamik toqqaanikkut imaluunniit containerinut talittarfiup eqqaani pissalluni.

Sanaartorfigissaanernut aningaasartuutit

Immikkoortumi sanaartorfissagissaanernumut aningaasartuutit illuatungeriillu akornanni agguataarneqartussat akilersuinissamut malittarisassatigut immikkut ittutigut takuneqarsinnaassapput.

Pilersaarutininik atorunnaarsitsinerit

Kommunimut pilersaarummut tapiliussaq immikkoortumut ullumikkut tungasoq atorunnaarsinneqartussaq tassaavoq;

3E5 – Nuuk Airport: Pilersaarut naapertorlugu mittarfik 2200 meterit tikillugit takitigisumik tallineqarsinnaavoq. Tamanna kommunimut pilersaarummut tapiliussami matumani qitiusutut attanneqassaaq.

Kommunimut pilersaarummut tapiliussap matuma akuersissutigineqarnerani tamakkiisumik najukkami pilersaarut atorunnaarsinneqassaaq, pissutigalugu kommunimut pilersaarummut tapiliussami matumani aalajangersakkat ilaat ilanngunneqassammata.

1.5 PILERSAARUMMUT TAPILIUSSAP INATSISINUT TUNNGASORTAI

Kommunimut

pilersaarutissatut imaluunniit kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik. (Pilersaarusiornermut inatsimmi § 31)

Akerliussuteqarnissamut piffissarititaasoq qaangiuppat aamma akerliussutinik takkuttoqarsimanngippat Kommunalbestyrelsip nunaminertap siunnersuummut ilaatinneqartup atorneqarnissaa sanaartorfigineqarnissaalu akuerisinnaavaa, atuineq sanaartornerluunniit siunnersuummut naapertuuppata (Pilersaarusiornermut inatsimmi § 31, imm. 2).

Inatsisitigut sunniutaagallartut kommunimut pilersaarummut tapiliussap tamanut saqqummiunneqarnissaata tungaanut atuukkallassapput - siviunerpaamillu siunnersuutip saqqummiunneqarneraniit ukiumi ataatsimi. (Pilersaarusiornermut inatsimmi § 31, imm. 3)

Inaarutaasumik inatsisitigut sunniutit

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiierni. (Pilersaarusiornermut inatsimmi § 29).

Kommunimut pilersaarummut tapiliussap matumap inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (Pilersaarusiornermut inatsimmi § 30).

Pisulli ilaanni aalajangersakkanit sukumiisunit nikingasoornerut annikinnerusunut immikkut ittumik akuersissuteqartoqarsinnaasarpoq. Nikingasoornerit pingaarnert aamma aalajangersakkanit pingaarnert nikingasoornerit pissutigalugit nutaamik kommunimut pilersaarummut tapiliortoqassaaq. (Pilersaaruiornermut inatsimmi § 50).

Nunaminertanik, illunik atortunillu manna tikillugu unioqqutitsinani atuinert ingerlaannarsinnaapput, akerlianilli illunik atuinert allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.

2. AALAJANGERSAKKAT

Matumuuna Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 201-imeersoq" (Pilersaarusiorneq pillugu inatsit) kingusinnerusukkut allannguutitalik naapertorlugu aalajangersakkat tullinnguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisitigut pituttuisuupput taamaattorli pissutsit ilaanni aalajangersakkanit sukumiisunit immikkut ittumik akuersissuteqartoqarsinnaavoq. Aalajangersakkat pingaarnarit pilersaarummi tunngaviusumik tunngaviupput taamaattumillu aalajangersakkanit taakkunannga immikkut ittumik akuersissuteqartoqarsinnaanngilaq.

PINGAARNERTUT AALAJANGERSAKKAT PIOREERSUT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	

1. Siunertaq
<p>1.1 Nalinginnaasumik atuineq: Teknikkikkut atortussat</p> <p>1.2 Immikkut ittumik atuineq: Mittarfissuaq kiisalu kiffartuussinermi inuussutissarsiuteqarnermilu atortunik suliaqarfiit..</p>
2. Atorneqarnera
<p>2.1 Immikkoortoq mittarfimmut kiisalu kiffartuussinermi inuussutissarsiuteqarnermilu atortunik suliaqarfinnut atugassanngortinneqarpoq.</p> <p>2.2. Immikkoortumi suliffeqarfiit mingutsitsisut immikkut ittumik ingerlanneqarsinnaapput</p> <p>2.3 Immikkuualuttuni B-mi, C-mi aamma D-mi qaqqanik qaartiterinissaq inerteqqutaanngilaq.</p> <p>2.4 Immikkuualuttoq immikkuualuttunut A-mit D-mut aggulunneqassapput:</p> <ul style="list-style-type: none"> • Immikkuualuttoq A taamaallaat timmisartut aallartarfiannut mittarfiannut / pisattanut ingerlaarfinnut / sivisuumik uninngasarfissanut / timmisartut isumannaallisagaanerinit sanaartukkanut / attaveqarnermut soorlu aqqusinermut pilersuinermilu ledninginut tunngatinneqassaaq. Nunaminertat atorneqanngitsut pissusissaasut ilineqassapput. • Immikkuualuttoq B mittarfimmi siunertanut soorlu akunnittarfimmut, aallartarfimmut/tikittarfimmut, hangarimut, sannavinnut assigisaannullu tunngatinneqassaaq. • Immikkuualuttut C aamma D mittarfimmi /inuutissarsiornermi siunertanut kiisalu attaveqarnermut, soorlu aqqusinermut pilersuinermilu aqqutilersuutitut tunngatinneqassapput - Nunaminertat atorneqanngitsut pissusissamisoortinneqassapput. Immikkuualuttut siunertanut timmissanik ussagartitsisinnaasunut atorneqassanngillat.
3. Illuliat
<p>3.1 Immikkoortup iluani sanaartornerni atortussaateqarnernilu Naalagaaffiup Mittarfeqarfiata "Inuinnarnik timmisartuussisarnermut aalajangersagai" ataqqineqassapput.</p> <p>3.2 Sanaartukkap nunamit qummut portussusaa portunerpaamik 18 meterioqqusaavoq</p> <p>3.3 Sanaartorneq atortussaateqarnerlu immikkoortup takuneqarsinnaasutut ilusaa ataqqillugu suliarineqassapput</p>
4. Inissaqassuseq
<p>4.1 Immikkoortoq 229 ha missaani angissuseqarpoq mittarfiullu 2200 meterinik takitigisumut tallineqarnissaa periarfissaalluni kiisalu mittarfiup mittarfissuarmut nutarsarnissaanut immikkoortumilu inuussutissarsiutinik ingerlataqarnissamut nunaminertanik peqalernissamut pisariaqartunik pilersitsinissaq periarfissaalluni.</p>
5. Eriagisariaqartut
<p>Immikkut ittunik aalajangersagaqanngilaq</p>

<p>6. Nunaminertat piumasaqaatitaqarfiusut</p> <p>6.1 Ungaluusat innaallagiarqartut pillugit isumannaallisaanermi killeqarfinnut aalajangersakkaat ataqqineqassapput ilaatigut immikkoortup iluani ungaluusani sukaasarsuarnit tamanit 15 meterimik ungasitsigisumi ungaluusani innaallagialinnik ikkuseqqusaannginneratigut, autoværninik saviminiusunik imaluunniit innaallagialinnik allanik ikkussisoqannginneratigut.</p> <p>6.2 Mittarfiup eqqaani isumannaallisaanermut killeqarfinnut atatillugu maleruagassat ataqqineqassapput. Mittarfeqarnermut atatillugu nipiliortarnermut killeqarfinnut maleruagassat sanaartornermi atortussaateqarnermilu ataqqineqassapput. Mittarfiup eqqaani nunaminertat nipiliortarnermut killeqarfinnut attuumassuteqartut (mittarfimmit 700 meterimik ungasitsigisut) nipiliortarfiususaanngitsunut siunertanut atorineqassanngillat, matumani ineqarfeqarfinnut siunertanut.</p>
<p>7. Aqqusinertigut angallaneq teknikkikkullu pilersuutit</p> <p>7.1 Illoqarfiup ilaanut Qinngorpumut illoqarfimmilu nunaminertanut taavalu Nuummit Nuussuarmillu mittarfiup kangiatungaani nunaminertat sanaartorfiunngitsunut attaveqarnissaq attanniarlugu mittarfiup tallineqarnissaanut atatillugu avannaatungaani biilertartunut pisuinnarnullu sullorsualiortoqarnissaanut periarfissaqarnissaq qulakkeerneqassaaq.</p> <p>7.2 Sullorsuarmik aquteqalernissamut periarfissatut mittarfiup avannaatungaaitigut uiaqqullugu aqqusinermik pingaarnermik pilersitsisoqarnissaanut periarfissat qulakkeerneqarsinnaapput. Taamaattorli taamaallaat Kommuneqarfik Sermersuumut sanaartornikkut aningaasartuutaanerussanngippat.</p> <p>7.3 Mittarfiup avannaatungaani pisuinnaat aqputaat sanaartorfiunngitsut sapinngisamik attanneqassapput.</p> <p>7.4 Qinngutsinnut aqquserngup allannngortinneqarnissaanut atatillugu imermik pilersuinermi aqqutilersuusiortoqarsinnaavoq, taamaalluni imeqarfik nutaaq Qinngutsinnut pilersuisinnaanngorlugu.</p> <p>7.5 Immikkuualuttoq Cmi Eqalugalissuarmut atatillugu imeqarfiup inissinneqarsinnaanera ajornartinneqanngilaq. Imeqarfiup inaarutaasumik inissinneqarnissaa kommunip Nukissiorfiullu akornanni isumaqatigiinnikkut pissaaq.</p>
<p>8. Illoqarfimmik nutarterineq</p> <p>Immikkut ittunik aalajangersagaqanngilaq</p>
<p>9. Immikkoortukkuutaat</p> <p>9.1 Immikkuualuttoq A, kommunimut pilersaarummut tapiliussaqa akuersissutigineqarneratigut mittarfik 2200minngorlugu tallineqassaaq.</p> <p>9.2 Kommunimut pilersaarummut tapiliussami una tunngavigalugu immikkuualuttuni tamani teknikkikkut atortulersuutit attavilersuutillu ajornartinneqanngillat.</p> <p>9.3 Immikkuualuttuni B-mi, C-mi D-milu sanaartornerit aallartinnissaannut kommunimut pilersaarummut tapiliussamik nutaamik peqalernissaq pisariaqarpoq.</p> <p>9.4 Immikkuualuttut C aamma D atorineqalernissaasa pinnginnerani nunaminertanik qaartiterineq annertoq pisariaqassasoq naatsorsuutigineqarpoq.</p>

Kommunimut pilersaarummut tapiliusseq una mittarfiup pilersaarusionerani sanaartornissaanilu sanaartornissamut pingaarnertut aalajangersakkanut imaqartinneqarpoq. Sanaartorneqartussap ilusilersorneqarnera naammassippat immikkoortumut aalajangersakkat sukumiisut saqqummiunneqassapput.

3. AKUERSISSUTEQARNERMI ATSIORNERIT

Kommunimut pilersaarummut tapiliusseq 3E5-1, Nuummi mittarfik, Quassussuup Tungaa Kommuneqarfik Sermersuup kommunalbestyrelsinit inaarutaasumik akuerineqarpoq ulloq 04.10.2016.

Kommuneqarfik Sermersooq ulloq 11/10-2016



Aasi Chemnitz Narup

Borgmesteri



Steffen Ulrich-Lynge


Pisortaaneq

Innersuutitut tamanut saqqummiunneqassaaq ulloq 14.10.2016.



**Ilisarnaatinut nassuiaatit
Signaturforklaring**


-  Immikkoortup ilaa nutaaq 3E5-I /
Nyt delområde 3E5-I
-  Immikkoortup ilaa atuussimasooq /
Tidligere delområder



KOMMUNEQARFIK SERMERSOOQ
 Sanarfinermut Avatangisinnullu Ingerlatsivik
 Forvaltning for Anlæg og Miljø


Kommunimut pilersaarummut tapiliussaag 3E5-I
 Kommuneplancillæg 3E5-I

Ilannussaaq I Immikkoortoq 3E5-I / Bilag I Delområde 3E5-I
 Immikkoortup ilaa 3E5-I aamma Immikkoortup ilaa atuussimasooq /
 Delområde 3E5-I og tidligere delområde
 Maaji 2016 / Maj 2016
 Uutuut 1:20000 / Mål 1:20000



Ilisarnaatinut nassuiaatic
Signaturforklaring


- Immikkoortup ilaata killeqarfii nutaat /
Nye delområdegrænser
- 3E5-I Immikkuualuttut A-D /
3E5-I Detailområder A-D
- Aqqusineeqqat sukisaarsarfiusut /
Rekreativ sti



KOMMUNEQARFIK SERMERSOOQ
Sanarfinermut Avatanglisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 3E5-I
Kommuneplantillæg 3E5-I


Ilanngussaq 2 Immikkoortoq 3E5-I / Bilag 2 Delområde 3E5-I
Immikkoortup ilaata killeqarfii nutaat aamma 3E5-I Immikkuualuttut /
Nye delområdegrænser og 3E5-I Detailområder
Maaji 2016 / Maj 2016
Utuut 1:20000 / Mål 1:20000





**Ilisarnaatinut nassuiaatic
Signaturforklaring**

-  Immikkoortup ilaa 3E5-1 /
Delområde 3E5-1
-  Mittarfik /
Landingsbane
-  Qulluup napparutaa /
Lysmast
-  Qaarutigaq/nunataq ilasaq /
Udsprængt/udfyldt område
-  Aqqusineq allanngortugaq /
Ormlagt vej
-  Sullorsuaq /
Tunnel
-  Aqqusineqqat sukisaarsarfusut /
Rekreativ sti





KOMMUNEQARFIK SERMERSOOQ
Sanarfinermut Avatangisinnullu Ingerlatsivik
Forvaltning for Anlæg og Miljø

Kommunimut pilersaarummut tapiliussa q 3E5-1
Kommuneplantillæg 3E5-1

Ilanngussaq 3 Immikkoortoq 3E5-1 / Bilag 3 Delområde 3E5-1
Mittarfiit 2200 meteriusinnaasut pillugit tunngaviumik titartakkat /
Principskitse over potentiel 2200 m landingsbaner
Maaji 2016 / Maj 2016
Uutuut 1:20000 / Mål 1:20000

250 0 250 500 750 1000 m





KOMMUNEQARFIK SERMERSOOQ
Sanaarfinermut Avatangisinnullu Ingerlatsivik
Forvaltning Anlæg og Miljø

Kommunimut pilersaarummut tapiliussaq 3E5-1
Kommuneplantillæg 3E5-1

Ilanngussaq 4 Immikkoortoq 3E5-1
Ilanngussaq 4 Talliinissap ilusilersornera mittarfyllu qullilersorneqarnera /
Bilag 4 Illustration af udvidelse og belysning af landingsbane
Maj 2016/ Maj 2016